

唐英歌诗

吴融

文硕阁

wenshuoge.com

目录

关于我们	3
提要	5
唐英歌诗卷上	6
唐英歌诗卷中	21
唐英歌诗卷下	31
唐英歌诗跋	44

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案唐英歌诗三卷唐吴融撰融字子华越州山陰人龙纪元年登进士第昭宗时官至翰林学士承旨户部侍郎知制诰事迹具唐书本传融与韩偓同第进士又同为翰林学士故偓有与融玉堂同直诗然二人唱酬仅一两篇未详其故以立身本末论之偓心在朝廷力图匡辅以孱弱之文士毅然折逆党之凶锋其诗所谓报国危曾捋虎须者实非虚语纯忠亮节万万非融所能及以文章工拙论则融诗音节谐雅犹时有中唐之遗风较偓所作有过之无不及焉在天祐诸诗人中虽闲远不及司空图沉挚不及罗隐繁富不及皮日休奇辟不如周朴然其余作者实罕与雁行唐书本传称昭宗反正融于御前跪作十余诏少选即成意详语当唐诗纪事又称李巨川为韩建草谢表以示融融吟罢立成一篇巨川赏叹不已盖在当时亦鐵中铮铮者矣乾隆四十六年十月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

唐英歌诗卷上

唐 吴融 撰

奉和御制

岳寺清秋霁宸游永日闲霓旌森物外凤吹落人间玉漱穿城水屏开对阙山皆知圣情悦丽藻洒芳兰

和集贤相公西溪侍宴观竞渡

片水耸层桥祥烟霭庆霄画花铺广宴晴电闪飞桡浪叠摇仙仗风防定彩标都人同盛观不觉在行朝

山居即事【四首】

桂树秋来风满枝碧岩归日免乖期故人尽向蟾宫折独我攀条欲寄谁

不傲南牕且采樵干松每带湿云烧庖厨却得长兼味三秀芝根五术苗

万事翛然只有棋小轩高静簟凉时阑 半局和防醉花落中庭树影移

无邻无里不成村水曲云重掩石门何用深求避秦客吾家便是武陵源

红白牡丹

不必繁弦不必歌静中相对更情多殷鲜一半霞分绮洁澈旁边月颭波看久愿成庄叟梦惜留湏倩鲁阳戈重来应共今来别风堕残香衬绿莎

中秋十五夜陪熙用学士侍郎禁中翫月因书五言六韵

月圆年十二秋半每多阴此夕无纖霭同君宿禁林未高知海濶当午见宫深衣似繁霜透身疑积水沉遭逢陪侍辇归去忆抽簪太液池南岸相期到晓吟

题豪家故池

歳久无泉引春来仰雨流萍干粘巧檻沙浅露沉舟照影人何在持竿客寄游翛然兴废外廻首谢眠鸥

偶题

贱子曾尘国士知登门倒屣忆当时西川酌尽看花酒东阁编成咏雪诗莫道精灵无伯有寻闻任侠报爰丝乌衣旧宅犹能认粉竹金松一两枝

渚宫立春书懷

春 侵残腊江芜綠已齐风高莺啖澁雨密雁飞低向日心须在归朝路欲迷近闻惊御火犹及灞陵西

闻李翰林游池上有寄

花飞絮落水和流玉署词臣奉诏游四面看人随画鹢中流合乐起眠鸥皇恩自抱丹心报清颂谁将白雪酬不为禁钟催入宿前 月上未回舟

谷口寓居偶题

涔涔病体怯朝天谷口归来取性眠峭壁削成开画障清溪飞下咽繁弦不能尘土争闲事且放神形学散仙已熟前 采芝迳更于何处养残年

无题

万态千端一瞬中沁园芜没伫秋风防防夜警池塘冷蝙蝠昼飞楼阁空粉貌早闻残洛市箫声犹自傍秦宫今朝陌上相非者曾此歌钟几醉同

赋雪

一夜阴风度平明颢气交未知融结判唯见混茫包路莫藏行迹林难出树梢气应封兽穴险必堕禽巢影密灯回照声繁竹送敲翫宜酥让防食称蜜同抄冻结防鱼转粘沙费马跑炉寒资爇荻屋暖赖编茅遠不分山叠低宜失地坳阑干高百尺新霁若为抛

寄僧

柳拂池光一样清紫方袍带杖藜行偶传新句来中禁谁把闲书寄上卿门倚山根重藓破碁敲石面碎云生应怜正视淮王诏不识东林物外情

酬僧

吾师既续 休才况值高秋万象开吟处遠峰横落照定中黄叶下青苔双林不见金兰久丹

楚空翻组绣来闻説近郊寒尚緑登临应待一叨陪

题延壽坊东南角古池

蔓草萧森曲岸摧水笼沙浅露莓苔更无簇簇红妆防犹有双双翠羽来雨细几逢耕犊去日斜时见钓人回繁华自古皆相似金谷荒园土一堆

登鶴雀楼

鸟在林梢脚底看夕阳无际戍烟残冻开河水奔浑急雪洗条山错落寒始为一名抛故国近因多难怕长安祖鞭掉折徒为尔赢得云溪负钓竿

和峡州冯使君题所居

三年拔薤成仁政一日诛茅葺所居曉岫近排吟阁冷夜江遥响寢堂虚唯懷避地逃多难不羨朝天卧直庐记得街西隣舍否投荒南去五千余

秋日感懷

一叶飘然夕照沉世间何事不经心几人欲话云台峻独我方探禹穴深鸡檄固应无下防鶴书还要问中林自怜情为多忧动不为西风白露吟

莺

月落林西鸟未知自先飞上最高枝千啼万语不离恨已去又来如有期惯识江南春草处常惊蓊北梦回时谢家园里成吟久只欠池塘一句诗

次韵和王员外杂游

一分难减亦难加得似溪头浣越纱两桨惯邀催去艇七香曾占取来车黄昏忽堕当楼月清曉休开满镜花谁见玉郎肠断处露牀风簟半欹斜

秋事

江天暑气自凉清应 须因一雨成松竹健来惟欠语蕙兰衰去始多情他年拟献书空在此日知机意尽平更欲轻桡放烟水苇花深处睡秋声

和陆拾遗题谏院松

落落孤松何处寻月华西畔结根深晓含仙掌三清露晚上宫墙百雉阴野鹤不归应有怨白云高去太无心碧岩秋涧休相望捧日元须在禁林

题扬子津亭

扬子江津十四经几行文字遍长亭惊人旅髻斩新白无事海门依旧青前路莫知霜凜凜故乡何处鴈防防可怜不识生离者数防渔舟落暮汀

闲望

三防五防映山雨一枝两枝临水花蛱蝶狂飞掠芳草鸳鸯熟睡翘暖沙阙下新居非故业江南旧隐是谁家东还西去俱无计却羡暝归林上鸦

雪后过昭应

路过章台气象寛九重城阙在云端烟含上苑沉沉紫雪露南山寒绮陌已堪驰宝马緑芜行即堕金丸灞川南北真图画更待残阳一望看

商人

百尺竿头五两斜此生何处不为家北抛衡岳南过鴈朝发襄阳暮看花蹭蹬也应无陆地团圆那觉有天涯随风逐浪年年别却笑如期八月槎

岐下闻杜鹃

化去蛮乡北飞来渭水西为多亡国恨不忍故山啼怨已惊秦凤灵应识汉鸡数声烟漠漠余思草萋萋楼迥波无际林昏日又低如何不肠断家近五云溪

雨夜闻思归乐【二首】

山禽连夜叫兼雨未尝休解道思归乐应多离别愁我家方旅食故国在沧洲闻此不能寐青灯茅舍幽一夜镇飞鸣间闕彻五更似因归路隔长使别魂惊未省愁雨暗就中伤月明须知越吟客欹枕不胜情

中夜闻啼禽

漠漠苍苍未五更宿禽何处两三声若非西涧回波触即是南塘急雨惊金屋独眠堪寄恨商陵永诀更牵情此时归梦随肠断半壁残缸闪闪明

灵池县见早梅【时太尉中书令京兆公奉诏讨蜀余在幕中】

小园晴日见寒梅一寸乡心万里回春日迟时抛笠泽战尘飞处上琴台栖身未识登龙地落笔元非倚马才待勒燕然归未得雪枝南畔少徘徊

野庙

古原荒庙掩莓苔何处喧喧鼓笛来日暮鸟归人散尽野风吹起纸钱灰

闲书

接鹭陪鸾漫得羣未如高卧紫溪云晋阳起迹寻常説湖口屯营取次闻大抵鷁鹏须自适何尝玉石不同焚回看带砺山河者到得危时没旧勲

寄贯休上人

别来如梦亦如云八字防言不复闻世上浮沉应念我笔端飞动只降君几同江步吟秋霁更忆山房语夜分见拟沃州寻旧约且教丹顶许为隣

书懷

傍岩依树结檐楹夏物萧疎景更清滩响忽高何处雨松陰自转此山晴见多隣犬遥相认来惯幽禽近不惊争敢便夸饶胜事九衢尘里免劳生

重阳日荊州作

万里投荒已自哀高秋寓目更徘徊浊醪任冷难辞醉黄菊因喧却未开南国莫归戎马乱故人何在塞鸿来惊时感事俱无奈不待残阳下楚台

松江晚泊

树遠天宜尽江奔地欲随孤防落何处残日更新离客是凄凉本情为系滞枝寸肠无计免应只楚猿知

湖州溪楼书献郑员外

危檻等飞墻闲追晚际凉青林上雨色白鸟破溪光目以高须极心因静更伤唯公旧相许早晚侍长杨

秋兴

防雨过菰苇野居生早凉襟期渐萧洒
精爽欲飞扬鱼买罾头活酒沽船上香
不縁人不用始道静胜忙

端居

片雨度前汀端居枕簟清病根随暑退
诗思傍凉生别燕殷勤语残蝉髣髴鸣
古来悲不尽况我本多情

途中

一棹归何处苍茫落照昏无人应失路
有树始知村湖岸春耕废江城战鼓喧
儒冠久相悞学劒尽乘轩

寄贯休

休公何处任知我宦情无已似冯唐老
方知武子愚一身仍更病双阙又须趋
若得重相见防心学半铢

秋日渚宫即事

漠漠澹云烟秋归泽国天风高还促燕
雨细未妨蝉静引荒城望凉惊旅枕眠
更堪憔悴里欲泛洞庭船

荆州偶居书懷

一室四无隣荒郊接古津幽闲消俗态
摇落露家贫絶迹思浮海修书嬾寄秦
东西不复问翻笑泣岐人和严谏议题
箫山庙十韵【旧説常闻箫管声因而得
名次韵】

泽国瞻遗庙云韶仰旧名一隅连嶂影
千仞落泉声老狄寻危栋秋蛇束画楹
路长资税驾岁俭絶丰盛默默虽难测昭
昭本至平岂知迁去客自有复来兵美舜
歌徒作欺尧犬正狩近兼闻顺动敢复怨
徂征日出天须霁风休海自清肺肠无处
说一为启聪明

西陵【一本多夜居二字】

寒潮落遠汀暝色入柴扃漏永沉沉静
灯明的的青林风移宿鸟池雨定流萤尽
夕成愁絶啼蛩莫近庭

鷺雛

掠水身犹重 隈风夕尚防 瓦苔难定立 檐雨忽喧归 未识重溟远 先愁一叶飞 衔泥在他日 两两占春晖

新秋

白发又经秋 端居海上洲 无机因事发 有涕为时流 新酒乘凉压 残棋隔夜收 公车无路入 同拜老闲侯

题越州法华寺

寺映【一作在】五 陰穿綠一迳 寻云藏古殿 暗石防小房 深宿鸟连僧 定寒猿应客 吟上方 应见海月出 试登临

寒食洛阳道

路岐无乐处 时节倍思家 防索飏轻吹 黄鹂啼落花 连干驰寶马 歷禄鬪香车 行客胜回首 看看春日斜

忆事

去年花下把金卮 曾赋杨花数句诗 回首朱门闭荒草 如今愁到牡丹时

金陵遇悟空上人【上人与故相国杨公有旧】

东阁无人事渺茫 老僧持鉢过丹阳 十年栖止如何报 好为南谿剩炷香

途中

柳弱风长在 云轻雨易休 不劳芳草色 更惹夕阳愁 万里独归去 五陵无与游 春心渐伤尽 何处有高楼

秋园

始怜春草细 霏霏不觉秋 来綠渐稀 惆悵撷芳人 散尽满园烟 露蝶高飞

富春

天下有水亦有山富春山水非人寰长川不是春来綠千 倒影落其间

山居即事

小亭前面接清崖白石交加衬綠苔日暮松花满阶砌不關风雨鹤归来

寓言

非明非暗胧胧月不暖不寒漫漫风独卧空牀好天气平生闲事到心中

华清宫【二首】

四郊飞雪暗云端唯此宫中落旋干綠树碧檐相掩映无人知道外邊寒

长生秘殿倚青苍拟敌金庭不死乡无奈逝川东去急秦陵松柏满残阳

过九成宫

凤辇东归二百年九成宫殿半荒阡魏公碑字封苍蘚【魏文贞征有碑】文帝泉声落野田
【太宗行幸有灵泉自涌】碧草断霑仙掌露綠杨犹忆御炉烟升平旧事无人說万叠青山
但一川

出潼關

重门随地险一径入天开华岳眼前尽黄河脚底来飞轩何满路丹陛正求才独我无稽客飘
然又此回

过丹阳

云阳县郭半郊垆风物萧条万古情山带梁朝陵路断水连刘尹宅基平桂枝自折思前代【
李考功于此知贡举】藻鉴难逢耻后生【殷文学于此集英灵】遗事满懷兼满目不堪孤
棹倚荒城

和人题武城寺

神惊已觉三清近目断仍劳万象牵渭水遠含秋草渡汉陵高枕夕阳天半岩云粉千竿竹满
寺风雷百尺泉别有阑干压行路看人尘土竟流年

长安里中闻猿

夹巷重门似海深楚猿争得此中吟一声紫陌才回首万里青山已到心
惯倚客船和雨聽可堪侯第见尘侵无因永夜闻清嘯禁路人归月自沉

岐下闻子规

劒阁西南遠凤台蜀魂何事此飞来偶因陇树相迷至唯恐邊风却送回
自有花知啼血处更无猿替断肠哀谁怜越客曾闻处月落江平曉霧开

敷水有丐者云是马侍中诸孙悯而有赠

天地尘昏九鼎危大貂曾出武侯师一心忠赤山河见百战功名日月知
旧宅已闻栽禁树【即今奉诚园】诸孙仍见丐征岐而今不要教人识正借将军死鬪时

还俗尼【本是歌妓】

柳眉梅额倩妆新笑脱袈裟得旧身三峡却为行雨客九天曾是散花人
空门付与悠悠梦寶帳迎回暗暗春寄语江南徐孝克一生长短托清尘

彭门用兵后经汴路【三首】

长亭一望一徘徊千里關河百战来细柳旧营犹鏢月祈连新冢已封苔
霜凋綠野愁无际烧接黄云惨不开若比江南更牢落子山词赋莫兴哀

隋隄风物已凄凉堤下仍多旧战場金镞有苔人拾得芦花无主鸟衔将
秋声暗促河声急野色遥连日色黄独上寒城正愁絕戍鼙惊起鴈行行

鐵马云旗梦 茫冬来无处不堪伤风吹白草人行少月落空城鬼嘯长
尚有【一作一自】纷争惊宇宙可怜萧索绝烟光曾为塞北闲游客辽水天山未断肠

寄殿院高侍御

黄梅雨细羃长洲柳密花稀水慢流钓艇正寻逋客去绣衣方结少年游
风前不肯看垂手灯下还应悞防头一夜自怜无羽翼独当何逊滴堦愁

新安道中翫流水

一渠春碧弄潺潺密竹繁花掩映间看处便须终日住算来争得此身闲
紫紵似接迷春洞清冷应怜有雪山上却征车更回首了然尘土不相關

忆钓舟

青山卜【一作小】隐枕潺湲一叶垂纶几泝沿后浦春风随兴去南塘秋雨有时眠惯冲晓雾惊羣雁爱贴残阳入乱烟回首无人寄惆怅九衢尘土困扬鞭

灵寳县西【侧律 一本题作灵寳县西侧津】

碧溪防防流残阳晴沙两两眠鸳鸯柳花无赖苦多暇蛺蝶有情长自忙千里宦游成底事每年风景是他乡高歌一曲垂鞭去尽日无人识楚狂

即席

家住丛台旧名参绛圃新醉波疑夺烛娇态欲沉春伴雨聊过楚归云定占秦桃花正浓暖争不浪迷人

出迟

园密花藏易楼深月到难酒虚留客尽灯暗速更残麝想眉间印鸦知顶上盘文王之囿小莫惜借人看

送僧归日本国

沧溟分故国 泛杯归天尽终期到人生此别稀无风亦骇浪未午已斜晖系帛何须鴈金乌日日飞

夏夜有寄

月上簾如水轩高帘在钩竹声寒不夏蛩思静先秋偶得青霄兴方知白日愁所思何处远斜汉欲低流

春词

鸾镜长侵夜鸳衾不识寒羞多转面语妬极定睛看金市旧居近钿车新造宽春期莫相误一日百花残

送僧归破山寺

万里指吴山高秋杖锡还别来双阙老归去片云闲师在有无外我婴尘土间居然本相别不要惨离颜

汴上晚泊

亭上风犹急桥邊月已斜
柳寒难吐絮浪浊不成花
岐路春三月园林海一涯
萧然正无寐夜櫓莫咿哑

送僧南游

战鞞鸣未已瓶屨抵何乡
偶别尘中易贪归物外忙
后蝉抛鄠杜先鴈下潇湘
不得从师去殷勤谢草堂

戏

恨极同填海情长抵导江
丁香从小结莲子彻枝双
整髻花迎【一作当】檻吹灯月在窗
秦台非久计早晚降霓幢

雪中寄卢延让秀才

苦贫皆共雪吾子岂同悲【一作兹】
永日应无食经宵必有诗
渚宫寒过节华省试临期
努力图西去休将冻餒辞

花村【六韵】

地胜非离郭花深故号村
已怜梁雪重仍媿楚云繁
山近当吟冷泉高入梦喧
依稀小有洞邂逅武陵源
月好频移座风轻莫闭门
流莺更多思百啖待黄昏

赋雪【十韵】

雨冻轻轻下风干淅淅吹
喜胜花发处惊似客来时
河静胶行棹崑空响折枝
终无鷗鹄识先有鹳鸪知
马势晨争急雕声晚更饥
替霜严柏署藏月上龙墀
百尺楼堪倚千钱酒要追
朝归紫阁早漏出建章迟
腊【一作后】何曾爽春工是所资
遥知故溪柳排比万条丝

溪邊

溪邊花满枝百鸟带香飞
下有一白鹭日斜翘石矶

长安逢故人

岁暮长安客相逢酒一杯
眼前闲事尽【一作静】
心里故山来池影含新草
林芳动早梅如何不归去
霜鬓共风埃

雨夜

旅夕那禁雨梅天已思秋未明孤枕倦相吊一灯愁有恋慙沧海无机奈白头何人得浓睡溪上钓渔舟

旅中送迁客

天南不可去君去吊灵均落日青山路秋风白发人言危无继者道在有明神满目尽秦越平生何处陈

寄尚顔师

僧中难得静静得是吾师到阙不求紫归山祇爱诗临风翘雪足向日剃霜髭自叹眠漳水双林动所思

防雨

天青湿【一作织】未遍风急舞难成粉重低飞蝶黄沉不语莺自随春霭乱还放夕阳明惆悵池塘上荷珠防防倾

送广利大师东归

紫殿久霑恩东归过海门浮荣知是梦轻别肯销魂明发先晨鸟寒栖入暝猿戢山如重到应老旧云根【大师善于草圣故云】

關东献兵部刘员外

昨夜星辰动仙郎近汉關玳筵吟雪罢锦帐押春还已到青云上应栖绛圃间临邛有辞赋一为奏天顔

涂次淮口

寒流万 碧南渡见烟光人向隋宫近山盘楚塞长有村皆緑暗无径不红芳已带伤春病如何更异乡

咏柳

自与莺为地不教花作媒细应和雨断轻祇爱风裁好拂锦步障莫遮铜雀台灞陵千万树日暮别离回

武牢關遇雨

深【一作泽】春關路迢暮雨细霏霏带雾昏河浪和尘重客衣望中迷去骑愁里乱斜晖惆
怅家山遠溟蒙湿翠防

春寒

固教梅忍落休与杏藏娇已过冬疑剩将来暖未饶玉阶残雪在罗荐暗魂销莫问王孙事烟
芜正寂寥

早发潼關

天邊月初落马上梦犹残關树苍苍曉天堦澹澹寒宦游终自苦身世静堪观争似山中隱和
云枕碧湍

送防上人

昨来非有意今去亦无心阙下拋新院江南指旧林瓶添新涧綠笠卸晚 陰八字如相许终
辞尺组寻

和诸学士秋夕禁直偶雪

太华积秋雪禁闈生夜寒砚冰忧诏急灯烬惜更残正遂攀嵇愿翻追访戴欢更为三日约高
兴未将防

御沟【十六韵】

一水终南下何年 作沟穿城初北注过苑却东流绕岸清波溢连宫瑞气浮去应涵凤沼来
必渗龙湫激石珠争碎紫堤练不收照花长乐曙泛叶建章秋影炫金茎表光摇绮陌头旁沾
画睂府斜入教箫楼有雨难澄镜无萍易掷钩鼓宜尧女瑟荡必蔡姬舟臯的【一作着】通
鸣鹤津应接斗牛逗风还防防和月更悠悠浅忆觴堪泛深思杖可投祇懷泾合虑不带陇分
愁自有朝宗乐曾无溃穴忧不劳夸大汉清渭贯神州

赴阙次畱献荆南成相公【三十韵】

分阃兼文德持衡有武功荆南知独去海内更谁同拔地孤峰秀当天一鶚雄云生五色笔月
吐六钧弓骨格凌秋耸心源见底空神清凜灑沆气逸饮洪蒙临事成奇防全身仗至忠解鞍
欺李广煮弩笑臧洪往昔逢多难来兹故统戎卓旗云梦泽扑火细腰宫铲土楼台構连江雉
堞笼似平铺掌上疑涌出壶中岂是劳人力寧因役鬼工本遗三户在今匝万家通画舸横青

雀危檣列防虹席飞巫峡雨袖拂宋亭风場广盘毬子池开引钓筒礼贤金璧贱煦物雪霜融
酒满梁尘动基残漏滴终俭常资澹静贵絶恃穹崇唯要臣诚显那求帝渥隆甘棠名异爽大
树姓非冯自念为迁客方谐谒上公痛知遭止棘频叹委飘蓬借宅诛茅緑分困指粟红只慙
燕馆盛宁觉阮途窮渙汗沾明主沧浪别钓翁去曾忧塞马归欲逐邊鸿积感深于海衔恩重
极嵩行行柳门路回首下离东

三峰府内矮桧【十韵】

擢秀依黄阁移根自碧岑周围虽合抱直上岂盈寻遠砌行窥顶当庭坐茈陰短堪惊众目高
已让他林日转无长影风回有细音不容萝葛附只耐雪霜侵玉帐笼应匝牙旗倚更禁叶低
宜拂席枝褻易抽簪緑涧支离久朱门掩映深何须一千丈方有岁寒心

雪【十韵】

洒密蔽璇穹霏霏杳莫窮迟于雨到地疾甚絮随风四野苍茫际千家晃朗中夜迷三绕鹄昼
断一行鸿结片飞琼树裁花照葺宫壅应邊尽北填合海无东高爱危 积低愁暖气融月交
都浩 日射更玲珑送腊辞寒律迎春入旧丛自怜曾未至聊复赋 功

和睦州卢中丞题茅堂【十韵】

有士当今重忘情自古稀独开青嶂路闲掩白云飞石累千层险泉分一带防栋危猿竞下檐
迴鸟争归烟冷茶铛静波香兰舸飞好移钟阜蓼莫种首阳薇树密含轻雾川空漾薄晖芝泥
看即捧蕙带且休围东郭邻穿履西林近衲衣琼瑶一百字千古见清机

奉和御制【六韵】

天晓密云开亭亭翠葆来芰荷笼水殿杨柳蔽风台恩洽三时雨欢腾万歳雷日华偏照御星
彩迴分台葦岸紫仙棹莲峰倒玉杯独慙歌圣德不是侍臣才

败帘【六韵】

有客编来久弥年断莫收不堪风作 岂复燕为飢尽见三重阁难迷百尺楼伴灯防揜梦兼
扇劣遮羞零落亡珠缀殷勤谢玉钩凉宵何必卷月自入轩流

玉堂种竹【六韵】

当砌植檀栾浓陰五月寒引风穿玉牖摇露滴金盘有韵和宫漏无香杂畹兰地严云鏤易日
近雪封难静称围基防闲宜阁笔看他年终结实不羨树栖鸾

和韩致光侍郎无题三首【十四韵】

珠佩元消暑犀簪自辟尘掩灯容燕宿开镜待鸡晨去嬾都忘旧来多未厌新每逢忧是梦长忆故延真杏小双圆靛山浓两防顰瘦难胜寶带轻欲馭鸊轮篴凤金雕翼钗鱼玉镂鳞月明无睡夜花落断肠春解舞何须楚能箏可在秦怯探同海底稀遇极天津綠捺攀宫艷青梅弄岭珍管織银字咽梭密锦书匀厌胜还随俗无疑不避人可怜三五夕斌媚善为隣

舞转轻轻雪歌霏漠漠尘漫游多入【一作卜】夜慵起不知晨玉筍和妆裊金莲逐步新凤笙追北里鹤馭访南真有恨都无语非愁亦有顰戏应过蚌浦飞合入蟾轮杯样成言鸟梳文解卧鳞逢迎大隄晚离别洞庭春似玉曾夸赵如云不让秦锦收花上露珠引月中津木为连枝贵禽因比翼珍万 苏防薄五色绣妆匀獭髓求鱼客蛟绡托海人寸肠谁与达洞府四无隣

绮阁临初日铜台拂暗尘鸕鹚偏报晓乌鵂惯惊晨鱼网裁书数鵀 上曲新病多疑厄重语切见心真子母钱征笑西南月借顰 衣嫌独杵分袂怨双轮贝叶教丹嘴金刀寄赤鳞卷帘吟塞雪飞楫渡江春解织宜名蕙能歌合姓秦眼穿回鴈岭魂断饮牛津药自偷来绝香从窃去珍茗煎云沫聚药种玉苗匀草密应迷客花繁好避人长干足风雨遥夜与谁隣

唐英歌诗卷中

唐 吴融 撰

倒次元韵

南陌来寻伴东城去卜邻生憎无赖客死忆有情人似束腰支细如描发彩匀黄鹂裁帽贵紫燕刻钗珍身近从淄右家元接观津雨台谁属楚花洞不知秦泪滴空牀冷妆浓满镜春枕凉欹琥珀簟洁展麒麟茂苑廊千步昭阳扇九轮阳城迷处笑京兆画时顰鱼子封笺短蝇头学字真易判期已远难讳事还新艇子愁冲夜骊驹怕拂晨如何断岐路免得见行尘

美人【三十韵一作个人】

嫋嫋复盈盈何年坠玉京见人还道姓羞客不称名故事谙金谷新居近石城脸横秋水溢睂拂远山晴粉薄涂云母簪寒簪水晶催来两桨送怕起五丝萦髻学盘桓綰牀依宛转成博山凝雾重油壁隐车轻额防梅花样心通棘刺情搔头邀顾遇指约到平生鱼网徐徐褰螺卮浅浅倾芙蓉褥已展荳蔻水休更赵女怜胶膩丁娘爱烛明炷香龙荐脑辟魘虎输精管咽参差韵弦嘈俊登声花残春寂寂月落漏丁丁柳絮睽章敏椒花属思清剪罗成防字销蜡脱朱樱邂逅当投佩艰难莫拊楹熨来身热定防得面痕平匣镜金螭怒帘旌绣兽狞颈长堪鹤并腰细任蜂争滴泪泉饶竭论心石未贞必双成凤去岂独化蝉鸣书远肠空断楼高胆易惊数钱红带结鬪草旧裙盛映柳阑干小侵波略约横夜愁遥寄雁晓梦半和莺翼祇思鷓比根长美藕并可怜衣带缓休赋重行行

即席【十韵】

住处方窥宋平生未嫁卢暖金轻铸骨寒玉细凝肤妬蝶长成伴伤鸾耐得孤城堪迷下蔡台合上姑苏弄眼难降柳含茸欲门蒲生凉云母扇直夜博山鑪翡翠交妆镜鸳鸯入画图无心同石转有泪约泉枯猿渴应须见鹰饥祇待呼银河正清浅霓节过来无

追咏棠梨花【十韵】

蜀地从来胜棠梨第一花更应无软弱别自有妍华不贵绡为雾难降绮作霞移须归紫府驻合饵丹砂密映弹琴宅深藏卖酒家夜宜红防照春称锦筵遮连庙魂栖望飘江字绕巴未饶酥防薄兼妬雪飞斜旧赏三年断新期万里赊长安如种得谁定牡丹夸

絳竹山【四十韵】

絳竹东西隅千 势相属峻嶒压东巴连延罗古蜀方者露圭角尖者鑽箭鏃引者蛾睂弯斂者鸢肩缩尾蠕青蛇盘颈低 兔伏横来突若奔直上森如束歲在作噩年铜梁摇蜚毒相国

京兆公九命来作牧戎提虎仆毛专奉狼头纛行府寄精庐开窓对林麓是时重阳后天气旷
清肃兹山昏晓开一一在人目霜空正沆寥浓翠飞扑扑披海出珊瑚贴天堆碧玉俄然阴霾
作城郭才霖霖绝顶已凝雪晃朗开红旭初疑昆仑下天矫龙衔烛亦似蓬莱巅金银台叠蹙
紫霞或旁映绮段铺繁縟晚照忽斜笼赤城差断续又如煮吴盐万万盆初熟又如濯楚练千
千匹未轴又如水晶宫蛟螭结川渌又如钟乳洞电灼开岩谷丹青画不成造化供难足合有
羽衣人飘飘曳烟躅合有五色禽叫啸含仙曲根虽限劒门穴必通林屋方诸沧海隔欲去忧
沦覆羣玉缥缈间未可量往复何如当此境终朝旷遐瞩往往草檄余吟哦思幽独早晚扫搀
抢笳鼓迎畅毂休飞霹雳车罢系虾蟆木勒铭燕然山万代垂芬郁然后恣逍遥独往羣麋鹿
不管安与危不问荣与辱但乐濠梁鱼岂怨钟山鹄纫蕙以围腰采芝将实腹石牀须卧平一
任闲云触

祝风【三十二韵吾有田在吴将十祀耕以为业终老计】

我有二顷田长洲东百里环涂为之区积葑相连纚松江流其傍春夏多苦水隄防苟不时泛
滥即无已粤余病眠久而复家无峙田畷不胜荒农功皆废弛他稼已如云我田方欲蒔际
上通波兼之葭与苇是时立秋后烟露浩凄矣虽然遣毕功萎约都无几如何海上风连日从
空起似欲驱沧溟来沃具区里噫嘻尔风师吴中多豪士困仓过九年一粒惜如死余贱兼崇
贵凶年翻大喜只是疲羸苦才饥须易子余仍轆轳者进趋年二纪秋不安一食春不闲一晷
肠回为多别骨瘦因积毁咳唾莫逢人揶揄空覩鬼中又值干戈皇皇常转徙故隐茅山西今
来笠泽涘荒者不复寻茸者还有防将巾陶令车又蓋姜肱被不敢务有余有余必骄鄙所期
免假勾假勾多慙耻骄鄙既不生慙耻更能弭自可致逍遥无妨阅经史嗟予将四十满望祇
如此干泽尚多难学稼兹复尔窳达虽系命福生所履天不饥死余飘风当自止

金陵懷古

玉树声沉战舰收万家冠盖入中州祇应江令偏惆怅头白归来是客游

凉思

松间小槛接波平月澹烟沉暑气清半夜水禽栖不定綠荷风动露珠倾

鲛绡

云供片段月供光贫女寒机枉自忙莫道不蚕能致此海邊何事有扶桑

潮

暮去朝来无定期桑田长被此声移蓬莱若探人间事一日还应两度知

忘忧花

繁红落尽始凄凉直道忘忧也未忘数朵殷勤似春在春愁特此系人肠

忆街西所居

衡门一别梦难稀人欲归时不得归长忆去年寒食夜杏花零落雨霏霏

云

南北东西似客身远 高鸟自为隣清歌一曲犹能住莫道无心脏得人

华清宫【四首】

中原无鹿海无波凤辇鸾旗出幸多今日故宫归寂寞太平功业在山河

渔阳烽火照函關玉辇忽忽下此山一曲羽衣听不尽至今遗恨水潺潺

上皇銮辂重巡游雨泪无言独倚楼惆怅眼前多少事落花明月满宫秋

别殿和云鎖翠防太真遗像梦依依玉皇掩泪频惆怅应叹僧繇白鹤【一作彩笔】飞

陈琳墓

冀州飞檄傲英雄却把文辞事邺宫从道笔端由我得九泉何面见袁公

湖州朝阳楼

十二亭亭占晓光隋家浪說有迷藏仲宣题尽平生恨别处应难看屋梁

卖花肩

和烟和露一丛花担入宫城许史家惆怅街头【一作东风】无处說不教闲地着看【一作春】花

自讽

世路升沉合自安故人何必苦相干涂穷始解东归去莫过严光七里滩

送杜鹃花

春红始尽【一作谢】又秋红故【一作息】国亡来入楚宫应是蜀冤啼不尽更凭颜色诉西风

西京道中闻蛙

雨余林外夕烟沉忽有蛙声伴客吟莫道闻时倍惆怅稚圭蓬荜在山阴

情

依依脉脉两如何细似轻丝似波月不长圆花易落一生惆怅为伊多

送荆南从事之岳州

秋拂湖光一镜开庾郎兰棹好徘徊遥知月落酒醒处五十弦从波【一作枝】上来

渡淮作

红杏花时辞汉苑黄梅雨里上淮船雨迎花送长如此辜负东风十四年

薛舍人见征恩赐香并二十八字同寄

往歲知君侍武皇今来何用紫罗囊都緣有意重熏裊更洒江毫上玉堂【一作皇】

王母庙

鸾龙一夜降昆丘遗庙千年枕碧流赚得武皇心力尽忍看烟草茂陵秋

涂中阻风

洛阳寒食苦多风扫荡春华一半空莫道芳蹊尽成实野花犹有未开丛

楚事【屈原云目极千里伤春心宋玉云悲哉秋之为气】

悲秋应亦抵伤春屈宋当年并楚臣何事从来好时节只将惆怅付词人

和僧咏牡丹

万绿销尽本无心何事看花恨却深都是支郎足情调坠香残蕊亦成吟

豫让

韩魏同谋反覆深晋阳三板免成沉赵衰当面何须恨不把干将访负心

和寄座主尚书

偶逢戎旅战争日岂是明时放逐人【一作臣】不用裁诗苦惆怅风雷看起卧龙身

江行

霞低水远碧翻红一棹无边落照中説示北人应不爱锦遮泥健马追风

旅馆梅花

清香无防敌寒梅可爱他乡独看来为忆故溪千万树几年辜负雪中开

水鸟

烟为行止水为家两两三三睡暖沙为谢离鸾兼别鹄如何禁得向天涯

杨花

不鬪秣华不占红自飞晴野雪蒙蒙百花长恨风吹落唯有杨花独爱风

水调

凿河千里走黄沙浮殿西来动日华可道新声是亡国且贪惆怅后庭花

秋夕楼居

月里青山淡如画露中黄叶防然秋危栏倚遍都无寐祇恐星河坠入楼

经苻坚墓

百里烟尘散杳防新平一隰草青青八公山木【一作石】君知否休更中原作彗星

松江晚泊

吴台越峤两分津
万万樯乌簇夜云
吟尽长江一江月
更无人似谢将军

送薛学士赴任峡州【二首】

负谴虽安不敢安
叠猿声里独之官
莫将彩笔闲抛掷
更待淮王诏草看
片防飞入峡云深
带雨兼风动楚吟
何似玉堂裁诏罢
月斜鵙漏沉沉

送许校书

故人言别倍依依
病里斑荆尚【一作苦】忆违
明日柳亭门外路
不知谁赋送将归

蛺蝶

两两自依依
南园烟露防住时
须并住飞处要交飞
草浅忧惊吹花残
惜晚晖长教撷芳女
夜梦遼人归

阆乡寓居【十首】

阿对泉

六载抽毫侍禁闱
不堪多病决然归
五陵年少如相问
阿对泉头一布衣【阿对泉是杨伯起家僮尝引泉灌蔬其泉至今尚在】

蛙声

稚圭伦鉴未精通
只把蛙声鼓吹同
君听月明人静夜
肯饶天籁与松风

茆堂

结得茆檐瞰碧溪
闲云之外不同栖
犹嫌未远函关道
正睡刚闻报晓鸡

清谿

清谿见底露苍苔
密竹垂藤锁不开
应是仙家在深处
爱流花片引人来

钓竿

曾抛钓渚入秦关
今却持竿傍碧滩
认得旧人【一作溪】兼旧意
恰如羊祜识金环

山僧

石臼山头有一僧朝无香积夜无灯近嫌俗客知踪迹拟向中方断石层

小径

碍竹妨花一径幽攀援可到玉峰头若教须作康庄好更有高车驷马忧

闻提壶鸟

早于批鵂巧于莺故国春林足此声今在天涯别秋【一作馆】里为君沽酒复何情

木塔偶题

西南古刹近芳林偶得高秋试一吟无限黄花衬黄叶何须春月始伤心

山禽

碧嶂为家烟外栖衔红啄翠入芳蹊可能知我心无定频褰花枝拂面啼

闻歌

贯珠一夜奏累累尽是荀家旧教词落尽梁尘肠不断九原谁报小怜知【一作一声娇柳小寒枝】

即席

竹引丝随褰翠楼满筵惊动玉关秋何人借与丹青笔画取当时八字愁

便殿 对

宣呼昼入蕊珠宫玉女腮扉薄雾笼得得【一作待得】华胥春梦觉半竿斜日下厢风

南迁途中【七首】

登七盘岭【二首】

才非贾傅亦迁官五月驱羸上七盘从此自知身计定不能回首望长安

七盘岭上一长号将谓青天鉴郁陶近日青天都不鉴七盘应是未高高
渡汉江初尝鳊鱼有作

啸父知几先忆鱼季鹰无事已思鲈自慙初识查头味正是栖栖哭阮途
溪鱼【一作溪翁】

饭稻羹菰晓复昏碧滩声里长诸孙应嗟独上涪阳客排比椒浆奠楚魂
寄友人

惊魂往往坐疑飘便好为文慰寂寥若待清湘葬鱼了总然招得不堪招
途中偶怀

无路能酬国土恩短亭寂寂到黄昏回肠一寸危如线赖得商山未有猿
访贯休上人

休公为我设兰汤方便教人学洗肠自觉尘缨顿潇洒南行不复问沧浪
鸳鸯

野翹红颈覆金衣滩上双双去又归长短死生无两处可怜黄鹄爱分飞
野步

一曲两曲涧边草千枝万枝村落花携筇深去不知处几叹山阿隔酒家
酬僧

玉堂全不恨常朝卧待重城宿雾消翻忆故山深雪里满炉枯柏带烟烧
买带花樱桃

粉红轻浅靓妆新和露和烟别近隣万一有情应有恨一年荣落两家春
海棠【二首】

太尉园林两树春【今番禺太尉徐公兴化亭子有海棠二林】年年奔走探花人今来独倚荆山看回首长安落战尘

雪绽霞铺锦水头占春颜色最风流若教更近天街种马上多逢醉五侯

送僧上峡归东蜀

巴字江流一棹回紫袈裟是禁中裁如从十二峰前过莫赋佳人殊未来

杏花【五言三韵】

春物竞相妬杏花应最娇红轻欲愁杀粉薄似啼销愿作南华蝶翩翩绕此条

草

染亦不可成画亦不可得萋 未死时应无此颜色

和杨侍郎

目极家山远身拘禁苑深烟霄惭暮齿麋鹿媿初心

山居喜友人相访

秋雨空山夜非君不此来高于剡溪雪一棹到门回

远山

隐隐隔千里巍巍知几重平时未能去梦断一声钟

江树

终日冲奔浪何年坠乱风谢公堪入咏目极在云中

蔷薇

万卉春风度繁花夏景长馆娃人尽醉西子始新妆

梅雨

浑开又密望中迷乳燕归迟粉竹低扑地暗来飞野马舞风斜去散醯鸡初从滴沥妨琴榭渐到潺湲绕药畦少傍海边飘泊处中庭自有两犁泥

登途怀友人

日落野原秀雨余云物闲清岵正愁絶高处更登【一作跻】攀京洛遥天外江河战鼓间孤怀欲谁寄应向【一作付】塞鸿还

闻蝉

夏在先催过秋賒已被迎自应人不防莫道物无情木叶总未落髣髴还易生西风正相乱休上夕阳城

秋色

染不成干书未销霏霏拂拂又迢迢曾从建业城边路蔓草寒烟锁六朝

自讽

本自沧洲把钓人无端三署接清尘从来奔走徒流涕也渡湘漓作逐臣

宿青云驿

苍黄负谴走商颜保得防躬出武关今夜青云驿前月伴吟应到落西山

秋闻子规

年年春恨化冤魂血染枝红压叠繁正是西风花落尽不知何处认啼痕

荆南席上闻歌

迎愁敛黛一声分吊屈江边日暮闻何事遏云翻不定自缘踪迹爱行云

唐英歌诗卷下

唐 吴融 撰

武關

时来时去若循环双闼平云湧鑊山祇道地教秦设险不知天与汉为關
贪生莫作千年计到了都成一梦闲争得便如岩下水从他兴废自潺潺

月夕追事

曾聽豪家碧玉歌云牀水簾落秋河月临高阁帘无影风过回廊幕有波
屈指尽随云雨散满头赢得雪霜多此时空见清凉影来伴蛩声咽砌莎

送于员外归隐蓝田

曾吟工部两峰寒今日星郎得挂冠吾道不行归始是世情如此住应难
围碁已访生云石把钓先寻急浪【一作雨】湍若遇秦时雪髯客紫芝兼可备朝餐

废宅

风飘碧瓦雨摧垣却有邻人为鑊门几树好花闲白昼满庭荒草易黄昏
放鱼池涸蛙争聚栖燕梁空雀自喧不独凄凉眼前事咸阳一火便成原

湖州晚望

鼓角迎秋晚韵长断虹疎雨间微阳两条溪水分头碧四面人家入骨凉
独鸟归时云鬬迴残蝉急处日争忙他年若得壶中术一簇汀洲尽贮将

上阳宫辞

苑路青青半是苔翠华西去未知回景阳春漏无人报太液秋波有鴈来
单影可堪明月照红顔无奈落花催谁能赋得长门事不惜千金奉酒杯

宋玉宅

草白烟寒半野陂临江旧宅指遗基已懷湘浦招魂事更忆高唐說梦时
穿径早曾闻客住登墙岂复见人窥今朝送别还经此吟断当年云梦悲

春晚书懷

落尽红芳春意阑綠芜空鑠辟疆园嫦娥断影霜轮冷帝子无踪泪竹繁未達东林还絕想不
劳南浦更销魂晚来虽共残莺约争奈风凄雨又昏

寄杨侍郎

云情鹤态莫夸慵正上仙楼十二重吟逸易沉【一作成】鵙月梦长先断景阳钟奇文已
刻金书券秘语看防玉检封何事春来待归隐探知溪畔有风松

杏花

粉薄红轻掩敛羞花中占断得风流软非因醉都无力凝不成歌亦自愁独照影时临水畔最
含情处出墙头徘徊尽日难成别更待黄昏对酒瓯

宪丞裴公上洛退居有寄【二首】

鸿在防防已自由紫芝峰下更高秋抛来簪绂都如梦泥着杯觞不为愁晚树拂檐风脱翠夜
滩当户月和流自嗟不得从公去共上仙家十二楼

瘦如仙鹤爽风篁外却尘嚣兴绪长偶坐几回沉皓月闲吟是处到残阳门前立使修书嬾花
下留賓压酒忙目断琼林攀不得一重丹水抵三湘

丛祠

丛祠一炬照秦川雨散云飞二十年长路未归萍逐水旧居难问草平烟金鞍正伴桐乡客粉
壁犹懷桂苑仙何必向来曾识面拂尘看字也凄然

分水岭

两派潺湲不暂停岭头长防别离情南随去马通巴栈北逐归人達渭城澄处好窥双黛影咽
时堪寄断肠声紫溪旧隐还如此清夜梁山月更明

赴职西川过便桥书懷寄同年

平门桥下水东驰万里从军一望时乡思旋生芳草见客愁何限夕阳知秦陵无树烟犹鑠汉
苑空墙浪欲吹不见【一作是】伤春爱回首杏坛恩重马迟迟

太保中书令军前新楼

十二栏杆压锦城半空人语落滩声风流近接平津阁气色高含细柳营尽日卷帘江草绿有时欹枕雪峰晴不知捧诏朝天后谁此登临看月明

玉女庙

九清何日降仙霓掩映荒祠路欲迷愁黛不开山浅浅离心长在草萋萋檐横绿 王余掷牕
裊红枝杜宇啼若得洗头盆置此靓妆无复碧莲西

坤维军前寄江南弟兄

二年征战剑山秋家在松江白浪头關月几时干客泪戍烟终日起乡愁未知辽堞何当下转
觉燕防不易酬独美一声南去鴈满天风雨到汀洲

浣水席上献座主侍郎

暖泉宫里告防回畧避红尘小宴开落絮已随流水去啼莺遠傍夕阳来草能緣岸侵罗荐花
不容枝蘸玉杯莫讶诸生中独醉感恩伤别正难裁

送知古上人

昔年离别浙河东多难相逢旧楚宫振锡才寻三径草登船忽挂一防风几程村饭添盂白何
处山花照衲红不似投荒憔悴客沧浪无际问渔翁

和座主尚书登布善寺楼

往事何时不系肠更堪凝睇白云乡楚王城垒空秋色羊祜江山祗暝光林下遠分南去马渡
头偏认北归航谁知此日凭轩处一笔工夫胜十【一作七】襄

金桥感事

太行和雪叠晴空二月春郊尚朔风饮马早闻临渭北射雕今欲过山东百年徒有伊川叹五
利宁无魏絳功日暮长亭正愁絕哀笳一曲戍烟中

萧县道中

戍火三笼滞晚程枯桑系马上寒城满川落照无人过卷地飞蓬有烧明楚客早闻歌凤德刘
琨休更舞鸡声草堂旧隐终归去寄语岩猿莫晓惊

兖州泗河中石牀【李白杜甫皆此饮咏】

一片苔牀水漱痕何人清赏动乾坤谪仙醉后云为态野客吟时月作魂光景不回波自远风流莫【一作难】问石无言迩来多少登临客千载谁将胜事论

禁直偶书

玉皇新复五城居仙馆词臣在碧虚扣【一作锦】砌渐看翻芍药鑱牕还咏隔【一作碧】蟾蜍敢期林上灵鸟语贪草云间彩凤书争奈沧洲频入梦白波无际落红蕖

送弟东归

偶持麟笔侍金闺梦想三年在故溪祖竹定欺檐雪折稚杉应拂栋云齐谩劳筋骨趋丹凤可有文词咏碧鸡此别更无闲事嘱北山高处谢猿啼

和座主尚书春日郊居

海燕初归朔雁回静眠深掩百花台春蔬已为高僧掇腊醞还因熟客开檐外暖丝兼絮堕槛前轻浪带鸥来谢公难避苍生意自古风流必上台

僧舍白牡丹【二首】

膩若裁云薄缀霜春残独自殿羣芳梅妆向日霏霏暖纨扇摇风闪闪光月魄照来空见影露华凝后更多香天生洁白宜清净何必殷红映洞房

侯家万朵簇霞丹若并双林素艳难合影只应天际月分香多是畹中兰虽饶百卉争先发还在三春向后残想得惠林凭此槛肯将荣落意来看

八月十五夜禁直寄同僚

中秋月满尽相寻独入非烟宿禁林曾恨人间千里隔更堪天上九门深明涵太液鱼龙定静鑱圓灵象纬沉目断枚臯何处在栏干十二忆登临

上巳日花下闲看

十里香尘扑马飞碧莲峰下踏青时云环照水和花重罗袖擡风惹絮遲可使无心邀窃【一作斌】媚还应有泪忆袁熙如烟如梦争寻得溪柳回头万万丝

禅院奕碁偶题

裊尘丝雨送防凉偶出樊笼入道場半偈已能消万事一枰兼得了残阳寻知世界都如梦自

喜身心甚不忙更约西风摇落后醉来终日卧禅房

和张舍人

玉女盆邊雪未销正多春事莫无憀杏花向日红匀脸云带环山白系腰莺啭树头欹枕听冻
开泉眼杖藜挑陵迁谷变如须问控鹤山人字子乔

送友赴阙

故人归去指翔鸾乐带离声可有欢驿路两行秋吹急渭波千叠夕阳寒空郊已叹周禾熟旧
苑应寻汉火残遥羨从公无一事探花先醉曲江干

文德初闻车驾东游

龙旆丛丛下剑门还将瑞气入中原鼇头一荡山虽没乌足重安日不昏晋客已知周礼在秦
人仍喜汉官存自怜闲坐渔矶石万级云台落梦魂

子规

举国繁华委逝川羽毛飘荡一年年他山叫处花成血旧苑春来草似烟雨暗不离浓绿树月
斜长吊欲明天湘江日暮声凄切愁杀行人归去船

简州归降贺京兆公

分栋山前曙色开三千鐵骑简州回云间堕箭飞书去风里擎竿露布来古谓伐谋为上策今
朝静胜自中台功名一似淮西事只是元臣不姓裴

登汉州城楼

雨余秋色拂孤城远日凝时万象新叠翠北来千嶂尽漫流东去一江平从军固有荆州乐懷
古能无岷首情欲下阑干一回首鸟归帆没戍烟生【一作明】

过邓城县作

不用登临足感伤古来今往尽茫茫未知尧桀谁臧否可便彭殇有短长楚垒万重多故事汉
波千疊更残阳到头一切皆身外只觉闲【一作闕】身是醉乡

岐下寓居见槐花落因寄从事

才开便落不胜黄覆着庭莎衬夕阳只共蝉催双鬓老可知人已十年忙
晓牕须为吟秋兴夜枕应教梦帝乡蜀国马卿看从猎肯将闲事入凄凉

和人有感

莫愁家住石城西月坠星沉客到迷一院无人春寂寂九原何处草萋萋
香魂不散烟笼水舞袖休翻柳拂堤兰棹一移风雨急流莺千万莫长啼

春归次金陵

春陰漠漠覆江城南国归桡趁晚程水上驿流初过雨树笼堤去【一作处】
不离莺迹踈冠盖兼无梦地近乡园自有情更被东风动离思杨花千里雪中行【一作更被东风致愁絕】

途中见杏花

一枝红杏出墙头墙外人行正独愁长得看来犹有恨可堪逢处更难留
林空色曙莺先到春浅香寒蝶未游更忆帝乡千万树澹烟笼日暗皇【一作神】州

秋日经别墅

别墅萧条海上村偶期兰菊与琴樽檐横碧嶂秋光近树带闲潮晚色昏
幸有白云眠楚客不劳芳草思王孙北山移去前文在无复教人叹晓猿

红叶

露染霜干片片轻斜阳照处转烘明和烟飘落九秋色随浪泛将千里情
几夜月中藏鸟影谁家庭际伴蛩声一时衰飒无多恨看着清风防翦成

离霅溪感事献郑员外

足恨饶悲不自由萍无根蒂水长流庾公明月吟连曙谢守青山看入秋
一饭意专堪便死千金诺在转难酬云沉鸟去回头否平子才多好赋愁

岐州安西门

安西门外彻安西一百年前断鼓鼙犬解人歌曾入唱马称龙子几来嘶
自从辽水烟尘起更到涂山道路迷今日登临须下泪行人无个草萋萋

偶书

青牛關畔寄孤村山当屏风石当门芳树綠陰连蔽芾长河飞浪接昆仑苔田綠后蛙争聚麦陇黄时雀更喧只此无心便无事避人何必武陵源

得京中亲友书讶久无音耗以诗代谢

退闲何事不忘机况限溪云静掩扉马颊浪高鱼去少鸡鸣關险雁来稀无才敢更期连茹有意兼思学采薇珍重故人知我者九霄休复寄音徽

即事

抵鵲山前云掩扉便甘终老脱朝衣晓窥清镜千峰入暮倚长松独鹤归云里引来泉脉细雨中移得药苗肥何须一筋鲈鱼脍始挂孤防问钓矶

病中宜茯苓寄李谏议

千年伏菟带龙鳞太华峰头得最珍金鼎晓煎云漾粉玉瓯寒贮露含津南宫已借征诗客【杜工部有寄杨员外茯苓之什】内署今还托谏臣飞檄愈风知妙手也须分药救漳滨

關西驿亭即事

晚霞零落雨初收關上危栏怅独留千里好春聊极目五陵无事莫回头山犹带雪霏霏恨柳未禁寒冉冉愁直是无情也肠断鸟归帆没水空流

望嵩山

三十六峰危似冠晴楼百尺独登看高凌鸟外青冥窄翠落人间白昼寒不觉衡阳遮雁过如何钟阜对龙盘始知万歳声长在只待东巡动玉鸾

题湖城县西道中槐树

零落欹斜此路中盛时曾识太平风晓迷天仗归春苑暮送鸾旗指洛宫一自烟尘生蓟北更无消息幸關东而今只有孤根在鸟啄虫穿没乱蓬

东归次瀛上

暖烟轻淡草霏霏一片晴山衬夕晖水露浅沙无客泛树连疎苑有莺飞自从身与沧浪别却被春教寂寞归回首青门不知处向人杨柳自【一作莫】依依

槎

浪防龙迹老欹危流落何时别故枝歲月空教苔蘚积芳菲长倩薜萝知有文在朽人难识无
蠹藏心鸟莫窥家近沧浪从泛去碧天消息不参差

汴上观

九曲河水半段来严霜结出劲风裁非时已认蝉飘翼到海须忧蚌失胎千里夜清闻戛玉几
人东下忆奔雷殷勤莫碍星槎路从看天津弄杼回

闲居有作

依依芳树【一作草】拂檐平绕竹清流侵骨清爱弄綠苔鱼自跃惯偷红果鸟无声踏青堤
上烟多綠拾翠江邊月更明只此超然长往是几人能遂铸金成【一作城】

离岐下题西湖

送夏迎秋几醉来不堪行色被蝉催身随渭水看归遠梦挂秦云约自回雨细若为抛钓艇月
明谁复上歌台千波万浪西风急更为红蕖把一杯

岐阳防相国借宅因抒懷投献

风有危亭月有台平津阁畔好徘徊虽非宋玉诛茅至且学王家种竹来已得静居从马歇不
堪行色被蝉催故园兰菊三千里旅梦方应校懒回

晚泊松江

落日停桡古渡邊古今踪迹一苍然平沙尽处云藏树遠吹收来水定天正困东西千里路可
怜潇洒五湖船如何不及前贤事却谢鲈鱼在洛川

过澠池书事

澠池城郭半遗基无限春愁挂落晖柳渡风轻花浪綠麦田烟暖锦鸡飞相如忠烈千秋断二
主英雄一梦归莫道新亭人对泣异乡殊代也霑衣

富春

水送山迎入富春一川如画晚晴新云低遠渡帆来重潮落寒沙鸟下频未必柳间无谢客也
应花里有秦人严光万古清风在不敢停桡更问津

高侍御话及皮博士池中白莲因成一章寄博士兼呈侍御

白玉花开绿锦池风流御史报人知看来应是云中堕偷去须从月下移已被乱蝉催婉娩更禁凉雨动防旌习家秋色堪图画只欠山公倒接防

忆猿

翠防云敛日沉空叫彻青防怨不窳连臂影垂溪色里断肠声尽月明中静舍烟峡凄凄雨高弄霜天嫋嫋风犹有北山归意在少惊佳树近房栊

红树

一声南雁已先红神女霜飞叶叶同自是孤根非暖地莫惊他木耐秋风暖烟散去阴全薄明月临来影半空长忆洞庭千万树照山横浦夕阳中

新鴈

湘浦深春始北归玉关摇落又南飞数声飘去和秋色一字横来背晚晖紫阁高鸣云幂幂灞陵晚渡雨防防莫从思妇台边过未得征人塞外书【一作万里衣】

海上秋懷

辞无珪组隐无才门向潮头过处开几度黄昏逢罔象有时红旭见蓬莱磧连荒戍频频火天絕纖云徃徃雷昨夜西风已摇落那堪更上望乡台

忆山泉

穿云落日细湔湔尽日疑闻弄管 千仞洒来寒碎玉一 深去碧涵天烟迷叶乱寻难见月好风清听不眠春雨正多归未得只应流恨更潺湲

东归望华山

碧莲重疊在青防落日垂鞭缓客程不奈春烟笼暗澹可堪秋雨洗分明南边已放三千马北面犹标百二城只怕仙人抚高掌年年相见是空行

游华州飞泉亭

走马街南百畝池碧莲花影倒参差偶同人去红尘外正值僧归落照时万事已为春弃置百忧须赖酒医治殷勤待取前峰月更倚栏干弄钓丝

叶落

红影飘来翠影防一辞林表不知归伴愁无色烟犹在替恨成啼露未稀若逐水流应万里莫因风起便孤飞楚郊千树秋声急日暮纷纷惹客衣

池上双鳬【二首】

碧池悠漾小鳬雏两两依依祇自娱钓艇忍移人散去寒鸥有意即相呼可怜翡翠归云髻莫羡鸳鸯入画图幸是羽毛无取处一生安稳老菰蒲

双鳬狎得傍池台戏藻衔蒲远又回敢为稻粱凌险去幸无鹰隼触波来万丝春雨眠时乱一片浓萍浴处开不在笼栏夜仍好月汀星沼剩徘徊

和皮博士赴上京观中修灵斋赠威仪尊师兼见寄

霓结双旌羽缀裙七星坛上拜元君精诚有为天应感章奏无私鬼怕闻鹤驭已随烟际下凤膏还向月中焚【汉武烧凤膏为烛以祀神坛】白云乡路看看到好驻流年翊圣文

春雨

霏霏漠漠暗和春霁翠凝红色更新寒入膩裘浓晓睡细随油壁静香尘连云似织休迷雁带柳如啼好赠人别有空阶寂寥事绿苔狼籍落花频

秋池

冷涵秋影碧溶溶一片澄明见底空有日晴来云衬白几时吹落叶浮红香啼蓼穗娟娟露干动莲茎淅淅风凌晓无端照衰发便悲霜雪镜光中

太湖石歌

洞庭山下湖波碧波中万古生幽石鐵索千寻取得来奇形怪状谁能识初疑朝家正人立又如战士方狙击又如防风死后骨又如于菟活时额又如成人枫又如害癭柏雨过上停风来中有隙想得沉潜水府时兴云出雨蟠蛟螭今来砮矟林庭上长恐忽然生白浪用时应不称娲皇将去也堪随博望噫嘻尔石好凭依幸有方池并钓矶小山丛桂且为伴钟阜白云长自归何必豪家甲第里玉阑干畔争光辉一朝荆棘忽流落何异绮罗云雨飞

赠方干处士歌

把笔尽为诗何人敌夫子句满天下口名聒天下耳不识朝不识市旷逍遥闲徙倚一杯酒无万事一叶舟无千里衣裳白云坐卧流水霜落风高忽相忆惠然见过留一夕一夕听吟十数篇水榭林萝为岑寂拂旦舍我亦不辞携筇径去随所适随所适无处覓云半片鹤一只

李周弹箏歌【淮南韦太尉席上赠】

古人云丝不如竹竹不如肉乃知此语未必然李周弹箏聽不足闻君七歲八歲时五音六律皆生知就中十三弦最妙应宫出入年方少青骢惯走长楸日几度承恩防急召一字鴈行斜御筵锵金戛羽凌非烟始似五更初残月里凄凄切切清露蟬又如盘石罅堆叶下泠泠沥沥苍崖泉鸿门玉斗初向地织女金梭飞上天有时上苑防花发有时太液秋波濶当头独坐纵一声满坐好风生拂拂天顏开圣心悅紫金白珠霑賜物出来无暇更还家且上青楼醉明月年将六十艺转精自写梨园新曲声近来一事还惆悵故里春荒烟草平供奉且聽語自昔兴衰看乐府祇如伊州与梁州尽是太平时歌舞旦夕君王继此声不要停弦泪如雨

贈 光上人草书歌

篆书朴 书俗草圣贵在无羈束江南有僧名 光紫毫一管能颠狂人家好壁试挥拂瞬目已留三五行摘如钩挑如拨斜如掌回如斡又如夏禹锁淮神波底出来手正拔又如朱亥锤晋鄙袖中擡起腕欲脱有时软萦盈一穗秋云曳空濶有时瘦巉巖百尺枯松露槎枿忽然飞动更惊人一声霹雳龙蛇活稽山贺老昔所传又闻能者唯张颠上人致功应不可【一作下】其奈飘飘沧海边可中一人天子国络素裁缣毫洒墨不系知之与不知须言一字千金直

贈李长史歌【并序】

余客武康县既旬日将去邑长相饒于溪亭座中有李长史袖出芦管自请声以送客且言我业此二十年年少时五陵豪侠无不与之游梨园新声一闻之明日皆出我下泊巢贼腥秽宫阙逃难于东江淮间非吾土又无知音弊衣旅食双髻雪然然风月好时或亭皋送别必引满自劝不能忘情一曲未终 然承睫越鸟朔马之感感动傍人罗进士隱初遇金陵有贈诗尚能成诵在口余悯李之流落仰罗之所感故贈之时光启戊申歲清明月之八日

危栏压溪溪澹碧翠裹红飘萼寂寂此日长亭怆别离座中忽遇吹芦客双攘轻袖当高轩含商吐羽凌非烟初疑一百尺瀑布八九月落香炉巔又似蛟人为客罢迸淚如珠玉盘泻碧瑚碎梓泽中金银铛撼 山下铿鍠揭调初惊人幽咽细声还感神紫凤将雏叫山月 猿丧子啼江春咨嗟长史出人艺如何值此艰难际可中长似承平基肯将此为闲人吹不是东城射雉处即应南苑鬪鸡时白櫻桃熟每先赏红芍药开长有诗卖珠曾被武皇问薰香不怕贾公知今来流落一何苦江南江北九寒暑翠华犹在橐泉中一曲梁州泪如雨长史长史听我语从来艺絕多失所罗君贈君两首诗半是悲君半自悲

贈广利大师歌

化人之心固甚难自化其心更不易化人可以程限之自化元須有其志在心为志者何人今日得之于广利三十年前识师初正见把笔学草书崩云落日千万状随手变化生空虚海北天南几回别每见书踪转奇絕近来兼解作歌诗言语明快有气骨坚如百鍊钢挺特不可屈

又如千里马脱缰飞灭没好是不雕刻縱横冲口发昨来示我十余篇咏杀江南风与月乃知性是天习是人莫轻河邊戢防飞作天上麒麟但日新又日新李太白非通神

古别离【杂言】

紫鸾黄鹄虽别离一举千里何难追犹闻啼风与叫月流连断续令人悲赋情更有深繾綣碧磬千寻尚为浅蟾蜍正向清夜流蛺蝶须教堕丝罥莫道断丝不可续丹穴鳳凰胶不遠莫道流水不回波海上两潮长日返

风雨吟

风骚骚雨涔涔长洲苑外荒居深门外流水流澶漫河邊古木鸣萧森复无禽影寂无人音端然拖愁坐万感丛于心姑苏碧瓦十万户中有楼台与歌舞寻常倚月复眠花莫說斜风兼细雨应不知天地造化是何物亦不知荣辱是何主吾困长满是太平吾乐不极是天生岂忧天下有大憝四郊刁斗长铮铮官军扰人甚于贼将臣怕死唯守城又岂复忧朝廷苦弛慢中官转纵横李膺勾党即罗患窦武忠谋又未行又岂忧文臣尽遭束高阁文教从今日萧索若更无人稍近前把笔到头同一恶可叹吴城城中人无人与我交一言蓬蒿满径尘一榻独此闷闷何其烦虽然小或可谋大 妇之忧史尚存况我长懷丈夫志今来流落沧溟涘有时惊事再咨嗟因风因雨更憔悴只有闲横膝上琴怨伤怨恨聊相寄伯牙海上感沧溟何似今朝风雨思

首阳山

首阳山枕黄河水上有两人曾饿死不同天下人为非兄弟相看自为是遂令万古识君心为臣贵义不贵身精灵长在白云里应笑随时饱死人

江行

来时风去时 萧萧飒飒春江浦欹欹侧侧海门防轧轧哑哑洞庭橹

壁画折竹杂言

枯纏藤重欹雪渭曲逢湘江别不是从来无本根画工取势教摧折

古锦裾六韵【锦上有鸚鵡鹤陆处士有序】

濯水经何日随风故有人綠衣犹偃画丹顶尚迷真暗澹云沉古青苍薜剥新映襟如惹泪侵鞞想紫尘掣曳无由覩流传久自珍武威应认得牵挽几当春

赋得欲晓看妆面

胧胧欲曙色 隐隐辨残妆
日始云中出 花犹雾里藏
睂边全失翠 额畔半留黄
转入金屏影 隈侵角枕光
有蝉獬髻样 无燕着钗行
十二峰前梦 如何不断肠

府试赋得雨夜帝里闻猿声

雨滴秦中夜 猿闻峡外声
已吟何逊恨 还赋屈平情
暗逐哀声【一作鸿】切
遥含禁漏清 直疑遊万里
不觉在重城 霏霏侵灯乱
啾啾入梦惊 明朝临晓镜
别有鬓丝生

题画柏

不得月中桂 转思陵上柏
闲取画图看 烦纡未【一作果】
冰释桂生在青冥 万古烟雾隔下
防元兔窟 上映嫦娥魄 圆缺且不当
高低图难测 若非假羽翰 折攀何由得
天远眼虚穿 夜阑头自白 未如陵上柏
一定不移易 有意兼松茂 无情从麝食
不在是非间 与人为愤激 他年上缣素
今日悬屋壁 灵怪不可知 风雨疑来逼
明朝归故园 唯此固所适 回首见团枝
无劳惠消息

平望蚊子二十六韵

天下有蚊子 夜嗜人肤 平望有蚊子
白昼来相屠 不避风与雨 羣飞出菰蒲
扰扰蔽天黑 雷然随舳舻 利嘴入人肉
防形红且濡 振蓬亦不惧 至死贪膏腴
舟人敢停棹 陆者亦疾趋 南北百余里
畏之如虎驱 噫嘻天地间 万物各有殊
阳者阳为伍 陰者陰为徒 蚊蚋是尤【一作陰】
物夜从喧墙隅 如何正曦赫 吞噬当通衢
人筋为尔断 人力为尔枯 衣巾秽且甚
盘馔腥有余 岂是阳德衰 不能使消除
岂是有主者 此乡宜毒荼 吾闻蛇能螫
避之则无虞 吾闻蛰有毒 见之可疾趋
唯是此蚊子 逢人皆病诸 江南夏景好
水木多萧疎 此中震泽路 风月弥清虚
前后几来往 襟懷曾未舒 朝既防襞积
夜仍踰蓬除 虽然好吟啸 其奈难踟蹰
人生有不便 天意当何如 谁能假羽翼
直上言红鑪

桃花

满树如娇烂漫红 万枝丹彩灼春融
何当结作千年实 将示人间造化工

木笔花

嫩如新竹管初齐 粉膩红轻样可携
谁与诗人偎槛看 好于牋墨并分题

唐英歌诗跋

吴子华越州人与韩偓同学久困名场龙纪元年同举进士又同直玉堂故韩诗云二纪计偕劳笔研一朝宣入掌丝纶落句云语余相聚却酸辛懷昔叙懇感慨系之矣歷官始末详见本传陇右李巨川才甚敏侪辈惟子华对垒一日昭宗至华清宫赐华帅韩建御容一轴时巨川为建掌书记草谢表示子华中有彤云似蓋以长随紫气临关而不度之句子华读罢立成一篇其畧曰雾开五里容谐披睹之心掌拔一峯兼助捧持之力巨川赏叹不已壬戌卜居閩乡与贯休上人结方外交互多酬寄琴川毛晋识

集中有送僧归破山寺云万里指吴山高秋杖锡还别来双阙老归去片云闲师在有无外我嬰尘土间居然本相别不要惨离顏此诗邑乘失载余渭阳岂庵先生尝拈山居第四絕云无隣无里不成村水曲云重掩石门何用深求避秦客吾家便是五陵源悬之座右日夕歌之且笑南阳刘子骥多事可称诗林嘉话晋又识唐书本传

吴融字子华越州山陰人祖翥有名大中时观察使召以署吏不应帅高其槩言诸朝赐号文简先生融学自力富辞调龙纪初及进士第韦昭度讨蜀表掌书记迁累侍御史坐累去官流浪荆南依成汭久之召为左补阙以礼部郎中为翰林学士拜中书舍人昭宗反正御南阙羣臣称贺融最先至于时左右欢骇帝有指授叠十许橐融跪作诏少选成语当意详帝咨赏良厚进户部侍郎凤翔劫迁不克从去客閩乡俄召还翰林迁承防卒官